

De schoelepompe van Ni'jberkoop



De schoelepompe van Ni'jberkoop in 1930.

In 1930 ston disse foto van de schoelepompe van Ni'jberkoop in et ok now nog altied bekende Friese tiidschrift *Fen Fryske Groun*, dat van 1927 tot 1949 uitgeven wodde. Wie de personen binnen is niet bekend, mar meugelik is de vrouw juffer De Lange. Op 'e achtergrond is et huus te zien dat nog altied an de oostkaante van de schoele staot en waor veur 1900 lesgeven wodde, mit naeme in de wintermaonden.

De kiender van Ni'jberkoop gongen liekewel tot 1899 naor de legere schoele van Berkoop. In dat jaor, now 125 jaor leden, gong, nao veul inzet van de bewoners, de schoele van Ni'jberkoop uut aende. Mar vanwegens et kleine tal leerlingen wodde in 1988 de schoele sleuten.

*In et ni'je boek **Et verhael van Ni'jberkoop** is d'r douk over de geschiedenis van de schoele veul meer te lezen. Opfleurd en wel mit tal van prachtige foto's uut et vroegere schoele-archief.*

Sietske Bloemhoff